

VERS. 6. Αἴργύετον καὶ χεισόν τον ἔκ ἐχω.

Beracoth, fol. 62, 2. Traditio: Ne ingrediatur quis montem Templo, *במעורת הצרורים לו בסרינו* cum nummis ligatis in Sindone sua, *ובפונדרתו מושפלת אחריו nec cum crumenâ à tergo appensa*. Ubi obiter notanda glossa Rambam super vocem פונדרתו. Est vestimentum, inquit ille, quo amicitur homo super carnem suam, in quo sudat, ne vestimenta sua meliora inquinet: nec mos est cuiquam cum eo solo egredi, non indutis vestimentis aliis. Animum ejus expiscandum lectori relinquisimus, hoc solum advertentes, quod sui de hac voce longè alter.

Quamvis cuiquam non liceret crumenam in Templum secum ferre, raro tamen eò sine monetâ sunt ingressi, aut in manu aut aliter portata, idque vel in eleemosynam, vel in spontaneam oblationem Gazophylacio: Testantur hoc, duo minuta pauperculae viduae. Nonne & tu talia habes, O Petre, quamvis argentum & aurum non habeas, conferenda mendicanti? Nulla ei talis æquivocatio; sed hoc sincere vult: Pecuniam habeo omnino nullam.

VERS. II. Ἐπὶ τῇ στᾶ τῇ καλυμένῃ Σολομῶντο.

Si inter porticum & porticum distinguas, Porticus Solomonis erat Orientalis, & Porticus Regia, Australis, &c. At si totum istud Atrium Gentium sub nomine Porticus Solomonis comprehendi velis, quamvis obscurius videtur, quare vocetur Porticus, & quare Solomonis, tamen non incongruè potest hic admitti. Ast an ita vocetur à Portico Solomonis strictè sic dicta, ut portico nobilissimâ, quia olim Solomonis: an quia Solomon sacravit atrium illud in Templo suo, per sacrificia, 1. Reg. 8, 64. An quia Solomon μεγάλας ἐμΦορῆσες Φάραγγας, ut Josephus, profundas valles aggeribus repleverit, ut spatium huic atrio acquireret & æqvaret? Qvicquid est, non inficiamus totum illud atrium hoc titulo posse insigniri, quamvis ut ostendimus alibi, ipsa Porticus Solomonis, ut Porticus strictâ significatione, erat tantum pars & Porticus istius atrii Orientalis.

Et repetamus hoc tantum, quod illic adducimus ex  
Midr. Schir. fol. 16, 4, לְזַחֲבוֹן וְשַׁעַר חֶלְוָה לְזַחֲבוֹן  
לְעוֹלָם E